



MFA-BA-VPP

08-07-2-38164/12

Sarajevo, 06.11.2012.godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: | 13 -11- 2012 | | |
| Organizaciona jedinica | Klasifikaciona oznaka | Redni broj | Broj prijega |
| 01- | 50-1-15- | 35/12 | |

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
SARAJEVO

PREDMET: *Odgovor na poslaničko pitanje poslanika Senada Šepića, dostavlja se*

VEZA: *vaš dopis broj 01/a-50-1-15-35/12 od 25.10.2012.godine*

Gospodin Senad Šepić, poslanik u Predstavničkom domu Parlamentarne skupštine Bosne i Hercegovine, na 35. sjednici Predstavničkog doma Parlamentarne skupštine Bosne i Hercegovine održanoj 23.10.2012. godine, u okviru komentara na dobivene odgovore na pitanje postavljeno na 33. sjednici Doma obnovio je pitanje Ministarstvu vanjskih poslova Bosne i Hercegovine. Pitanje je glasilo:

"Postavljam poslaničko pitanje da mi se dostavi informaciju o postupku posredovanja za izdavanje vize za SAD u moj diplomatski pasoš, dakle na ime Senad Šepić, poslanik u PD PS BiH, krajem jula, te ko je, po čijem nalogu s kojom svrhom, neovlašteno prenosio moje lične podatke i omogućio pristup mojim ličnim podacima nekim medijima u BiH?"

Pitanje je obnovljeno na sljedeći način:

"Dakle, ja danas obnavljam ova oba pitanja i tražim od obje institucije, dakle da odgovore konkretno na pitanja koja sam postavio. I MIP i Zajednička služba Parlamenta, dakle da imamo usaglašen stav sa njihovim osvrtom na pisanje medija o ovom pitanju. I, ukoliko ponovo budemo imali ove kontradiktornosti, zatražiću na narednoj sjednici da i usmeno porazgovaramo ovdje u ovome Domu, da nam rukovodioci obje ove institucije usmeno odgovore kako je moguće dakle, da čak se jedna interna prepiska unutar Ministarstva vanjskih poslova koja se dešava na relaciji pomoćnik ministra i kabinet ministra, sutra dan nadje u novinama. A da nam onda dostavi neko pitanje da nema apsolutno nikakve veze s tim. Dakle, i očekujem precizan odgovor i od jedne i od druge institucije. Ovo je jako bitno pitanje. One institucije koje trebaju da štite nas i štite naša prava, dakle ako se ovakvim stvarima bave kada je u pitanju poslanik u Parlamentu BiH, onda možete zamisliti kakvu poruku šalju građanima ove zemlje."

Na postavljeno pitanje Ministarstvo vanjskih poslova Bosne i Hercegovine daje sljedeći

ODGOVOR

Nakon prijema zahtjeva od strane Parlamentarne skupštine Bosne i Hercegovine, Sekretarijata Zajedničke službe, broj 03-05-2/11, od 20.07.2012. godine u kojem se traži posredovanje kod Ambasade Sjedinjenih Američkih Država u Sarajevu za izdavanje vize Sjedinjenih Američkih Država, Ministarstvo vanjskih poslova Bosne i Hercegovine je u redovnoj proceduri, diplomatskom notom broj 08/2-30-1-25343/12 od 23.07.2012. godine, zatražilo od navedene Ambasade izdavanje vize za gospodina Senada Šepića.

Iz Ambasade Sjedinjenih Američkih Država u Sarajevu, Ministarstvo vanjskih poslova Bosne i Hercegovine je zaprimilo pismeno u kom je navedeno sljedeće: "Član 221(g) zabranjuje izdavanje vize svakome čija molba nije usaglašena sa odredbama Zakona o useljenju i državljanstvu ili sa propisima izdatim u vezi sa tim", a u rubrici Primjedba navedeno je: "duža administrativna procedura."

O takvom stavu Ambasade Sjedinjenih Američkih Država u Sarajevu, Ministarstvo vanjskih poslova Bosne i Hercegovine je aktom broj 08/2-30-25-25343-1 AM/12 od 31.07.2012. godine obavijestilo Kabinet sekretara Zajedničke službe Parlamentarne skupštine Bosne i Hercegovine.

Ministarstvo vanjskih poslova Bosne i Hercegovine još jedanput želi ukazati da nije neovlašteno prenosilo lične podatke i omogućavalo pristup ličnim podacima nekim medijima u Bosni i Hercegovini, a što je navedeno u poslaničkom pitanju, niti može na bilo koji način komentarisati pisanje medija o ovom pitanju.

S poštovanjem,


MINISTAR
dr Zlatko Lagumdžija